

**BOSNA I HERCEGOVINA
FEDERACIJA BOSNE I HERCEGOVINE
UNSKO-SANSKI KANTON
GRAD BIHAĆ
GRADONAČELNIK**

Broj: 03/2-27-3312/22
Bihać, 29.11.2022. godine

Na osnovu člana 183. stav (2) Poslovnika Gradskog vijeća Bihać („Službeni glasnik Grada Bihaća“ broj 3/16) i člana 52. tačka a) Statuta Grada Bihaća („Službeni glasnik Grada Bihaća“ broj 13/15, 13/18 i 12/22) vršilac dužnosti gradonačelnika Grada Bihaća u svojstvu predlagača propisa i drugih akata

ODREĐUJE

Izvjestioca: mr. Damira Smajića, dipl.pravnik na sjednici Gradskog vijeća i radnim tijelima po prijedlogu tačke dnevnog reda:

Prijedlog Odluke o utvrđivanju javnog interesa za potpunu eksproprijaciju nekretnina- u svrhu izgradnje kablovske transformatorske stanice TS 10(20)/ 0,4 kV „Ribić Novo naselje 2“ Grad Bihać u korist JP „Elektroprivreda BiH“ d.d. Sarajevo, Podružnica „Elektrodistribucija“ Bihać.

Vršilac dužnosti gradonačelnika
Jasmina Čoralić

**BOSNA I HERCEGOVINA
FEDERACIJA BOSNE I HERCEGOVINE
UNSKO-SANSKI KANTON
GRAD BIHAĆ
GRADONAČELNIK**

Služba za urbanističko planiranje, građenje,
imovinsko-pravne i geodetske poslove

Broj: 03/2-27-3312/22
Bihać, 29.11.2022. godine

GRADSKO VIJEĆE
- ovdje -

PREDMET: Prijedlog Odluke o utvrđivanju javnog interesa za potpunu eksproprijaciju nekretnina – u svrhu izgradnje kablovske transformatorske stanice TS 10(20)/ 0,4 kV „Ribić Novo naselje 2“ Grad Bihać, u korist JP „Elektroprivreda BiH“ d.d. Sarajevo, Podružnica „Elektrodistribucija“ Bihać, dostavlja se

U skladu sa odredbama člana 52. tačka b) Statuta Grada Bihaća („Službeni glasnik Grada Bihaća“ broj 13/15, 13/18 i 12/22) i člana 140. tačka d) Poslovnika Gradskog vijeća Bihać („Službeni glasnik Grada Bihaća“ broj 3/16) u prilogu Vam dostavljamo prijedlog Odluke o utvrđivanju javnog interesa za potpunu eksproprijaciju nekretnina- u svrhu izgradnje kablovske transformatorske stanice TS 10(20)/ 0,4 kV „Ribić Novo naselje 2“ Grad Bihać u korist JP „Elektroprivreda BiH“ d.d. Sarajevo, Podružnica „Elektrodistribucija“ Bihać.

OBRAZLOŽENJE

I PRAVNI OSNOV

Pravni osnov za donošenje Prijedloga Odluke o utvrđivanju javnog interesa sadržan je u članu 14. stav (4) Zakona o eksproprijaciji („Službene novine Federacije BiH“ broj 70/07, 36/10, 25/12 i 34/16) kojim je propisano da Odluku o utvrđivanju javnog interesa za izgradnju objekta ili izvođenje radova na području grada donosi Gradsko vijeće na čijem se području namjerava graditi objekat ili izvoditi radovi u skladu sa planskim dokumentima prostornog uređenja, te u članu 35. tačka c) Statuta Grada Bihaća („Službeni glasnik Grada Bihaća“ broj 13/15, 13/18 i 12/22), kojim je utvrđena nadležnost Gradskog vijeća za donošenje odluka i drugih općih akata kojima se uređuju pitanja iz samoupravnog djelokruga grada i daje njihovo tumačenje.

II RAZLOZI DONOŠENJA

JP „Elektroprivreda BiH“ d.d. Sarajevo, Podružnica „Elektrodistribucija“ Bihać putem Službe za urbanističko planiranje, građenje, imovinsko-pravne i geodetske poslove podnijelo je Gradskom vijeću Bihać Prijedlog za donošenje Odluke o utvrđivanju javnog interesa za potpunu eksproprijaciju nekretnina – u svrhu izgradnje kablovske transformatorske stanice TS 10(20)/ 0,4 kV „Ribić Novo naselje 2“ Grad Bihać u korist JP „Elektroprivreda BiH“ d.d. Sarajevo, Podružnica „Elektrodistribucija“ Bihać..

Razmatrajući prijedlog i priložene dokaze, utvrđeno je da je na zahtjev JP „Elektroprivreda BiH“ d.d. Sarajevo, Podružnica „Elektrodistribucija“ Bihać, nadležna Služba za urbanističko planiranje i građenje dana 15.02.2022.godine donijela rješenje broj:03/1-19-1-2435/21 kojim se daje urbanistička saglasnost JP „Elektroprivreda BiH“ d.d. Sarajevo, Podružnica „Elektrodistribucija“ Bihać za izgradnju kablovske transformatorske stanice TS 10(20)/ 0,4 kV „Ribić Novo naselje 2“ Grad Bihać na predmetnom zemljištu.

Odredbom člana 14. stav 4. Zakona o eksproprijaciji („Službene novine Federacije BiH“, br.70/07, 36/10, 25/12 i 34/16) regulisano je da Odluku o utvrđivanju javnog interesa za izgradnju objekta ili izvođenje radova na području Grada donosi Gradsko vijeće na čijem se području namjerava graditi objekat ili izvoditi radovi u skladu sa planskim dokumentima prostornog uređenja, a kako za predmetno područje nije donesen Regulacioni plan ili urbanistički projekat, ispunjeni su uslovi da se javni interes utvrdi na osnovu Odluke Gradskog vijeća.

Cilj eksproprijacije je obezbjeđenje kvalitetnijeg elektroenergetskog napajanja za postojeće krajnje kupce električne energije, kao i stvaranje uslova za priključenje novih kupaca. U tom smislu, smatram opravdanim donošenje ove Odluke i predlažem da se ista usvoji u prezentiranom tekstu.

III FINANSIJSKA SREDSTVA

Za realizaciju ove Odluke korisnik eksproprijacije, JP Elektroprivreda BiH d.d. Sarajevo, Podružnica „Elektrodistribucija“ Bihać, obezbjedio je finansijska sredstva.

Voditelj postupka
Aida Jakupović, dipl.pravnik

Vršilac dužnosti gradonačelnika
Jasmina Čoralić

Pomoćnik gradonačelnika za urbanističko planiranje
građenje, imovinsko-pravne i geodetske poslove
mr. Damir Smajić, dipl.pravnik

Dostaviti:

- 1) Naslovu
- 2) a/a

Na osnovu člana 14. stav 4. Zakona o eksproprijaciji („Službene novine Federacije BiH“, broj 70/07, 36/10, 25/12 i 34/16) i člana 35. tačka c) Statuta Grada Bihaća („Službeni glasnik Grada Bihaća“, broj 13/15, 13/18 i 12/22), Gradsko vijeće Bihać na _____. sjednici održanoj dana _____ godine, d o n i j e l o j e

O D L U K U

o utvrđivanju javnog interesa za potpunu eksproprijaciju nekretnina u svrhu izgradnje kablovske transformatorske stanice TS 10(20)/ 0,4 kV „Ribić Novo naselje 2“ Grad Bihać, u korist JP „Elektroprivreda BiH“ d.d. Sarajevo, Podružnica „Elektrodistribucija“ Bihać

I

Utvrđuje se da je od javnog interesa izgradnje kablovske transformatorske stanice TS 10(20)/ 0,4 kV „Ribić Novo naselje 2“ Grad Bihać u korist JP „Elektroprivreda BiH“ d.d. Sarajevo, Podružnica „Elektrodistribucija“ Bihać, te da se u tu svrhu može pristupiti potpunoj eksproprijaciji nekretnine označene kao:

-k.č. br.6256/318 GRADILIŠTE, Građevinska parcela površine 29 m², upisana u Posjedovni list broj: 4200 k.o. Bihać - Grad, kao posjed Grad Bihać sa dijelom 1/1 po novom katastarskom operatu, odnosno 6256/318 GRADILIŠTE, Građevinska parcela površine 29 m², upisana u Zemljišnoknjižni izvadak broj: 3480 k.o. Bihać - Grad, kao vlasništvo Općine Bihać sa dijelom 1/1.

II

Utvrđuje se da je JP „Elektroprivreda BiH“ d.d. Sarajevo, Podružnica „Elektrodistribucija“ Bihać korisnik eksproprijacije zemljišta iz tačke I ove Odluke.

III

Protiv ove Odluke može se pokrenuti upravni spor podnošenjem tužbe Kantonalnom sudu u Bihaću u roku od 30 dana od dana prijema Odluke. Tužba se podnosi neposredno nadležnom sudu.

Gradsko vijeće

Broj: _____
Bihać, _____

Predsjedavajući Gradskog vijeća
Zulfikar Handukić